



13. september 2012

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

Naalakkersuisunut apeqquq puujaasaaqqanik utertitsisarnerup pisariillisaaffigineqarnissaanut misissuinissaq pillugu.

(Inatsisartunut ilaasortaq Andreas Uldum, Demokraatit)

Tunngavilersuut

UKA10-mi puujaasaaqqanik utertitsisarnerup pisariillisarneqarnissaa pillugu apeqquqteqaat aallaavigalugu oqallinnissamut siunnersuuteqarpunga. Nuannaarpunga taamani Naalakkersuisut ilassinnilluarlutik akimmata, apeqquq aallaavigalugu oqallinnissamut ajornartorsiut saqqummiussara misissortilersaarlugu. Naalakkersuisut akissumminni imatut allapput:

”Naalakkersuisut taamaattumik piareersimapput puujaasaaqqanik utertitsisarnerup pisariillisarneqarnissaata inuiaqatigiinnut kingunissaanik misissuititsinissaminnut – tassunga ilanngullugu qillertuusanik utertitsisalersinnaaneq – suliami suliarilluakkanik aalajangiinermi tunngavissaqartoqaqqullugu. Misissuinermit atatillugu attuumassuteqartut susassaqqartut akuliutsinneqassapput. Misissuinermit avatangiinut sunniutaasussat nalilersorneqassapputilanngullugu ”tunngavik aallaqqaataaniik naggataanut” tassani aamma puujaasaaqqanik sanerup, assartuinerup, puujaasaaqqanik saliinerup avatangiisinut sunniutai il.il. ilanngunneqassapput. Taamatut ataatsimoortumik misissuinermit aamma nalilersorneqassapput attuumassuteqartut allat, ilanngullugu puujaasaaqqanik qillertuusanillu utertitsisarnerup nunami tamarmi atorneqalersinnaanera, puujaasaaqqanik utertittakkanik pisariillisaanerup Kalaallit Nunaannut kingunissai kiisalu kalaallinut tunisassioortunut.”

Ukiut marluk qaangiupput Naalakkersuisut Inatsisartunut oqarmata misissuititsilerlutik, tamatuma eqqarsalersippaanga misissuineq pineqartoq maannakkut naammassineqarsimassasoq. Taamatut isumaqarnera ikorferneqarpoq Nuuk Imeq nittartakkamini imatut oqaaseqaateqarmat:

”Namminersorlutik Oqartussat misissuititsinerani ersarissumik paasineqarpoq, immiaaqqanik sodavandinillu puujaasaaqqaniittunik qillertuusaniittunillu eqqussuinermit naleqqiullugu kalaallit nunaanni immiaaqqat puujaasaaqqallu puuannik utertitsisarneq avatangiisinut annertuumik iluaqutaasoq. Taamaattumik siulersuisut isumalluarput utertitsisarneq maannakkutut ingerlanneqartoq piunnarumaartoq. Nuuk Imiup annertuumik pisariaqartippaa paasissallugu siunissami utertitsinermit malittarisassat suussanersut, ingerlatseqatigiiffik tunisassioartaatsinut nutaanut aningaasaliiniassammat Kalaallit Nunaannilu sulliviit piunnartillugit.”

Qulaani taaneqartoq tunngavigalugu kissaatigaara, Naalakkersuisut apeqquqtit ataani allassimasut akissagai pisarnertut ullut sulliviit qulit naliginnaasut iluanni:

1.) Misissuinerup inernera Naalakkersuisunut ulloq suna tunniunneqarpa ?



13. september 2012

- 2.) Misissuinerup imaa Naalakkersuisut qanga oqallisigaat aamma misissuineq tungavigalugu suut aallartinniarlugit Naalakkersuisut aalajangerpat ?
- 3.) Pisortatigoortumik arlaannik aporfissaqarpat pisariaqanngitsumik kinguarsaqqaarani misissuinerup Inatsisartunut agguanneqarnissaanut apeqqutinnut akissutit ilanngullugit ?
- 4.) Naalakkersuisut Nuuk Imeq isumaqatigaat, oqarmata Namminersorlutik Oqartussat misissuinerisa ersarissumik takutikkaa, Namminersorlutik Oqartussat misissuititsinerani ersarissumik paasineqarpoq, immiaaqqanik sodavandinillu puujaasaaqqaniittunik qillertuusaniiittunillu eqqussuinermut naleqqiullugu kalaallit nunaanni immiaaqqat puujaasaaqqallu puuannik utertitsisarneq avatangiisinut annertuumik iluaqutaasoq ?
- 5.) Naalakkersuisut suliamut tungasunik allanik attuumassuteqartunik nalunaarutissaqarpat ?